

# PERISYTIHARAN JUALAN

**DALAM MAHKAMAH TINGGI MALAYA DI PULAU PINANG  
SAMAN PEMULA NO. PA-24FC-284-05/2017  
PERMOHONAN PELAKSANAAN NO. PA-38-141-04/2018**

(Dalam Perkara Mengenai Hartanah dan hereditamen yang dikenali sebagai Hakmilik Strata Geran 78884, No. Bangunan M1, Menara D, No. Tingkat 8, No. Petak 626, Mukim 13, Daerah Timor Laut, Negeri Pulau Pinang)

Dan

Dalam Perkara Mengenai Gadaian Perserahan No. 0799SC2011017563 Pendaftaran bertarikh 30/05/2011

Dan

Dalam Perkara Mengenai Seksyen 256 & 257 Kanun Tanah Negara, 1965

Dan

Dalam Perkara Mengenai Aturan 83 Kaedah-Kaedah Mahkamah 2012

Antara

**BANK SIMPANAN NASIONAL**

**... PLAINTIF**

Dan

**KETUA PENGARAH INSOLVENSI  
(SEBAGAI PEMEGANG HARTA ESTET SIBANKRAP  
MOHAMMAD RIZAL BIN ABDUL RASHID)  
(NO. K/P : 880701-35-5145)**

**... DEFENDAN**

Menurut Perintah Mahkamah Tinggi Malaya di Pulau Pinang mengenai Perintah Jualan dan Perintah Notis Permohonan bertarikh pada 20 Mac 2018 dan 7 Januari 2020, masing-masing, adalah dengan ini diisytiharkan bahawa Timbalan Pendaftar/Penolong Kanan Pendaftar Mahkamah Tinggi Malaya di Pulau Pinang dengan dibantu oleh Pelelong Berdaftar yang dilantik oleh Mahkamah

## **AKAN MENJUAL SECARA LELONGAN AWAM**

**PADA HARI SELASA, 11 FEBRUARI 2020, JAM 10.30 PAGI  
DI BILIK LELONG, MAHKAMAH TINGGI MALAYA DI PULAU PINANG  
LEBUH LIGHT, 10200 PULAU PINANG**

### **BUTIR-BUTIR HAKMILIK**

NO. HAKMILIK STRATA : GRN 78884/M1D/8/626  
(Petak 626, Tingkat 8, Bangunan M1D)  
PETAK AKSESORI : A283  
NO. LOT : Lot 10088  
BANDAR/PEKAN/MUKIM : Mukim 13  
DAERAH/NEGERI : Timor Laut/Pulau Pinang  
KELUASAN LANTAI : 65 meter persegi  
PEGANGAN : Selama-lamanya  
PEMILIK BERDAFTAR : Trustees of Leong San Tong Khoo Kongsi (Penang) Registered  
- 1/1 bahagian  
SYARAT-SYARAT NYATA : (FIRST GRADE)

The land comprised in this title

- a) shall not be affected by any provision of the National Land Code limiting the compensation payable on the exercise by the State Authority of a right of access or use conferred by Chapter 3 of Part Three of the Code or on the creation of a Land Administrator's right of way; and

b) subject to the implied condition that land is liable to be re-entered if it is abandoned for more than 3 years, shall revert to the State only if the proprietor for the time being dies without heirs;

and the title shall confer the absolute right to all forest produce and to all oil, mineral and other natural deposits on or below the surface of the land (including the right to work or extract any such produce or deposit and remove it beyond the boundaries of the land).

SEKATAN KEPENTINGAN : Tiada

TANGGUNGAN/ENDOSAN LAIN : i) No. Pendaftaran 0799B2010018035, Kaveat Pendaftar atas syer, didaftarkan pada 30 November 2010  
ii) No. Perserahan 0799SC2011017562, Pajakan Seluruh Tanah kepada Mohammad Rizal Bin Abdul Rashid bagi tempoh masa selama 99 tahun mulai dari 27 April 2009 dan berakhir pada 26 April 2108, didaftarkan pada 30 Mei 2011  
ii) Digadai kepada Bank Simpanan Nasional melalui Perserahan No. 0799SC2011017563, didaftarkan pada 30 Mei 2011

**NOTA : Bakal-bakal pembeli adalah dinasihatkan agar membuat carian Hakmilik secara rasmi di Pejabat Tanah dan memeriksa hartanah tersebut sebelum jualan lelong.**

#### **LOKASI DAN PERIHAL HARTANAH**

Hartanah ini adalah satu unit pangsapuri 3-bilik tidur dipegang di bawah hakmilik strata GRN 78884/M1D/8/626, Petak 626, Tingkat 8, Bangunan M1D, Petak Aksesori A283, Lot 10088, Mukim 13, Daerah Timor Laut, Pulau Pinang yang mempunyai keluasan lantai seluas 65 meter persegi dan beralamat No. 7-08-03, Seri Impian, Lengkok Angsana, 11500 Bandar Baru Ayer Itam, Pulau Pinang.

#### **HARGA RIZAB**

Hartanah tersebut akan dijual tertakluk kepada satu harga rizab sebanyak **RM250,000.00 (RINGGIT MALAYSIA DUA RATUS LIMA PULUH RIBU SAHAJA)** dan kepada syarat-syarat jualan yang dilampirkan. Penawar yang berminat hendaklah menandatangani 10% daripada harga rizab dalam bentuk Bank Draft di atas nama **BANK SIMPANAN NASIONAL** sebelum **jam 9.30 pagi** pada hari lelongan. Baki wang belian hendaklah dibayar oleh penawar yang berjaya kepada **BANK SIMPANAN NASIONAL** dalam tempoh **satu ratus dua puluh (120)** hari dari tarikh jualan.

Untuk butir-butir selanjutnya, sila berhubung dengan :

- 1) **Nama Pelelong** : **MAHADZIR BIN RAHIM**  
Syarikat Pelelong : HARTA PRIMA RESOURCES  
Alamat : No. 8C-01 (1<sup>st</sup> Floor), Jalan Tun Dr. Awang  
11900 Bayan Lepas  
Pulau Pinang  
No. Telefon : 04-6430105, 019-4741689, 019-4196700  
No. Faksimili : 04-6430105  
No. Rujukan : AUC-P(mpp)220010  
Email : hartaprima09@gmail.com
  
- 2) **Firma Guaman** : **TETUAN KHAIRIL SANI, GOBAL & BENG TATT**  
Alamat : No. 2679, 1<sup>st</sup> & 2<sup>nd</sup> Floor  
Jalan Chain Ferry, Taman Inderawasih  
13600 Prai, S.P.T. Pulau Pinang  
No. Telefon : 04-3983240  
No. Faksimili : 04-3983318  
No. Rujukan : KSGBT/S/CV/BSN/SPR/0042/2016/mas

# MEMORANDUM JUALAN

Dalam jualan secara lelongan awam pada **11 Februari 2020** mengenai harta yang terkandung dalam butir-butir Perisytiharan Jualan \_\_\_\_\_

(No. K/P \_\_\_\_\_) telah diisytiharkan sebagai pembeli harta tersebut dengan harga **RINGGIT MALAYSIA** \_\_\_\_\_ (RM \_\_\_\_\_).

Penawar yang berjaya akan membayar baki harga belian dan menyempurnakan pembelian mengikut Syarat-syarat Jualan. Timbalan Pendaftar/Penolong Kanan Pendaftar dengan ini mengesahkan jualan tersebut dan mengakui penerimaan deposit 10 peratus oleh Plaintiff.

**Harga Belian** : RM \_\_\_\_\_

**Wang deposit 10% dibayar** : RM \_\_\_\_\_

**Baki harga belian** : RM \_\_\_\_\_

**Tarikh Luput Bayaran Baki Harga Belian** \_\_\_\_\_

## Tandatangan Penawar yang

**Berjaya** : \_\_\_\_\_

**Nama Penawar yang Berjaya** : \_\_\_\_\_

**No. Kad Pengenalan** : \_\_\_\_\_

**Alamat** : \_\_\_\_\_

: \_\_\_\_\_

: \_\_\_\_\_

## Tandatangan Wakil

**(jika berkaitan)** : \_\_\_\_\_

**Nama Wakil** : \_\_\_\_\_

**No. Kad Pengenalan** : \_\_\_\_\_

**Alamat** : \_\_\_\_\_

: \_\_\_\_\_

: \_\_\_\_\_

## Tandatangan Plaintiff atau

**Peguam Plaintiff** : \_\_\_\_\_

**Nama Peguam** : \_\_\_\_\_

**Alamat Firma Peguam** : **TETUAN KHAIRIL SANI, GOBAL & BENG TATT**

No. 2679, 1st & 2nd Floor

Jalan Chain Ferry, Taman Inderawasih

13600 Prai, S.P.T. Pulau Pinang

**Tandatangan TP/PKP** : \_\_\_\_\_

**Nama TP/PKP** : \_\_\_\_\_

## SYARAT-SYARAT JUALAN

1.
  - i. Penawar yang berminat untuk membuat tawaran pada hari lelongan hendaklah hadir sendiri ke Mahkamah. Penawar hanya boleh diwakili oleh ejen hartanah yang berlesen atau ahli keluarga terdekat yang terdiri daripada suami, isteri, ibu, bapa, anak atau adik-beradik kandung sahaja.
  - ii. Pelelong juga adalah dibenarkan untuk menjadi wakil penawar dengan syarat Pelelong itu bukanlah pelelong yang menjalankan lelongan tersebut.
  - iii. Penawar yang ingin membuat tawaran adalah dikehendaki mendaftar diri dan menandatangani kepada Mahkamah satu jumlah wang sebanyak 10% daripada harga rizab dalam bentuk Bank Draft atas nama Plaintiff. Sekiranya didapati Bank Draft tersebut kurang atau melebihi 10% daripada harga rizab yang ditetapkan, Bank Draft tersebut akan ditolak oleh Mahkamah. Bank Draft hendaklah dimasukkan ke dalam Peti Lelongan yang disediakan oleh Mahkamah sebelum jam 9.30 pagi. Bank Draft yang diterima selepas jam 9.30 pagi akan ditolak oleh Mahkamah.
  - iv. Penawar yang ingin membuat tawaran dikehendaki memasukkan Bank Draft bersama kad pengenalan penawar yang asal. Sekiranya penawar menghantar wakil, wakil tersebut hendaklah memasukkan Bank Draft bersama kad pengenalan asal wakil, salinan kad pengenalan penawar yang diakui sah dan surat wakil.
  - v. Nama penawar, nombor kad pengenalan, alamat terkini dan nombor kes pelaksanaan hendaklah ditulis di belakang Bank Draft tersebut.
  - vi. Bagi penawaran oleh Syarikat, Borang 49 Akta Syarikat 1965, Memorandum dan Artikel Syarikat serta Resolusi Pengarah yang ditandatangani oleh kesemua pengarah hendaklah disertakan. Nama, nombor kad pengenalan, alamat berdaftar syarikat yang terkini dan nombor kes pelaksanaan hendaklah ditulis di belakang Bank Draft tersebut.
  - vii. Penawar yang telah memasukkan Bank Draft tidak boleh menarik diri daripada lelongan kecuali dengan kebenaran Mahkamah.
  - viii. Bank Draft yang dimasukkan akan dikembalikan kepada penawar yang tidak berjaya, manakala Bank Draft bagi penawar yang berjaya pula akan diserahkan kepada Peguam Plaintiff selepas lelongan selesai.
2. Penawar hendaklah berumur 18 tahun dan ke atas. Kelayakan penawar adalah tertakluk kepada peruntukan undang-undang negeri yang sedia ada.
3. Mana-mana Penawar yang ingin membuat bidaan bagi pihak orang perseorangan, badan berkanun atau syarikat, adalah dikehendaki mengemukakan surat wakil kepada Mahkamah sebelum jam 9.30 pagi pada hari lelongan. Surat wakil tersebut hendaklah mengesahkan penawar telah diberi kuasa untuk membuat bidaan dan menandatangani semua dokumen yang berkaitan.
4. Lelongan hendaklah dijalankan pada jam 10.30 pagi ataupun pada waktu lain yang ditetapkan oleh Mahkamah.
5. Mana-mana warganegara asing atau syarikat asing tidak boleh menjadi penawar bagi hartanah yang tertakluk kepada apa-apa sekatan di bawah mana-mana undang-undang kecuali dengan kelulusan pihak berkuasa berkenaan.
6. **PENAWAR ADALAH BERTANGGUNGJAWAB UNTUK MENGENALPASTI BUTIR-BUTIR HARTANAH, DAN MEMASTIKAN SEGALA TANGGUNGAN SERTA BEBANAN HARTANAH ADALAH TEPAT.**

7. Plaintiff yang dibenarkan menjadi penawar melalui perintah Mahkamah boleh membuat bidaan semasa lelongan dan Plaintiff juga adalah tertakluk kepada syarat-syarat jualan.
8. Jika penawar yang telah mendaftar diri dan membayar deposit gagal membuat sebarang bidaan semasa lelongan dijalankan yang menyebabkan lelongan terpaksa ditangguhkan, penawar tersebut bolehlah disenaraihitamkan dan dihalang daripada menjadi penawar selama satu (1) tahun.
9. Sekiranya penawar yang disenaraihitamkan seperti dalam Para 8 tidak berpuas hati terhadap keputusan tersebut, penawar bolehlah mengemukakan rayuan kepada Pengarah Mahkamah Negeri masing-masing.
10. Tawaran untuk bidaan hendaklah tidak kurang daripada harga kenaikan yang ditetapkan oleh Mahkamah pada masa lelongan.
11. Lelongan adalah dianggap muktamad selepas ketukan tukul atau bunyi loceng terakhir.
12. Plaintiff hendaklah menyediakan dan menyerahkan Borang 16Q Kanun Tanah Negara 1965 kepada Mahkamah dan Defendan dalam tempoh tujuh (7) hari dari tarikh lelongan.
13. Memorandum Jualan hendaklah disediakan oleh Pelelong dalam empat (4) salinan dan hendaklah ditandatangani oleh penawar yang Berjaya atau wakil penawar yang berjaya. Plaintiff atau Peguam Plaintiff dan Pegawai Mahkamah yang menyaksikan proses lelongan tersebut pada hari yang sama dan setem hasil bolehlah dimatikan sendiri oleh penawar yang berjaya atau wakil penawar yang berjaya, Plaintiff atau Peguam Plaintiff di hadapan Timbalan/Penolong Kanan Pendaftar yang menyaksikan lelongan.
14. Bayaran duti stem adalah di bawah tanggungan penawar yang berjaya.
15. Memorandum Jualan yang telah disempurnakan hendaklah diserahkan kepada penawar yang berjaya atau wakil penawar yang berjaya, Plaintiff atau Peguam Plaintiff, Mahkamah dan satu salinan untuk simpanan Pelelong.
16. Penawar yang berjaya hendaklah menandatangani Memorandum Jualan dan juga hendaklah membuat pembayaran baki harga belian dalam tempoh seratus dua puluh (120) hari dari tarikh jualan. Kegagalan penawar yang berjaya untuk memenuhi kedua-dua syarat tersebut akan menyebabkan jualan tersebut adalah terbatal dan wang deposit 10% daripada harga rizab akan dirampas oleh Plaintiff dan digunakan untuk menjelaskan bayaran hutang Defendan kepada Plaintiff setelah ditolak segala perbelanjaan lelongan tersebut.
17. Setelah Memorandum Jualan ditandatangani, hartanah tersebut akan menjadi tanggungjawab penawar yang berjaya. Mahkamah atau Plaintiff tidak akan bertanggungjawab ke atas apa-apa kehilangan, kerosakan atau kemusnahan hartanah tersebut.
18. Plaintiff atau Peguam Plaintiff hendaklah menyerahkan kepada Mahkamah dalam tempoh tujuh (7) hari selepas baki harga belian diterima, satu Perakuan bertulis penerimaan baki harga belian beserta salinan resit bayaran.
19. Plaintiff atau Peguam Plaintiff hendaklah dalam tempoh empat belas (14) hari selepas menerima baki harga belian :
  - i) membayar semua bayaran yang tertunggak kepada Pihak Berkuasa Negeri atau pemberi pajakan (jika gadaian yang berkenaan adalah gadaian ke atas pajakan) dan apa-apa bayaran lain yang wujud sebelum dan sehingga tarikh jualan lelongan berjaya kepada Pihak Berkuasa Negeri atau mana-mana pihak berkuasa tempatan.

- ii) membayar semua perbelanjaan lain yang disahkan oleh Pendaftar Mahkamah atau Pentadbir Tanah (jika ada), yang berkaitan dengan pelaksanaan perintah jualan.
  - iii) memberi salinan resit-resit bayaran perbelanjaan di para (i) dan (ii) di atas kepada penawar yang berjaya.
  - iv) memberi kepada penawar yang berjaya salinan yang diakui sah perintah perletakhakkan (jika ada) dan Borang Penukaran Nama dan Borang 13 Akta Syarikat (jika ada) bagi membolehkan penawar yang berjaya mendaftarkan Sijil Jualan dalam Borang 16F Kanun Tanah Negara 1965 dengan Pejabat Tanah yang berkenaan.
20. Plaintiff atau peguam Plaintiff hendaklah dalam tempoh tiga puluh (30) hari dari tarikh penerimaan baki harga belian menyerahkan kepada mahkamah suatu Penyata Akaun Penerimaan dan bayaran.
21. Mahkamah hendaklah dalam tempoh empat belas (14) hari daripada tarikh menerima Perakuan Bertulis penerimaan baki harga belian daripada Plaintiff menyerahkan kepada Penawar yang berjaya dokumen-dokumen berikut:-
- i. Sijil Jualan dalam Borang 16F Kanun Tanah Negara 1965 yang mana telah disediakan dan dilengkapkan terlebih dahulu oleh penawar yang berjaya; dan
  - ii) Salinan asal dokumen Ikatan Gadaian atau Geran Hak Milik Tanah atau dokumen hak milik keluaran yang dicetak oleh komputer atau salinan pendua pajakan mengikut mana yang berkenaan.
22. Jika terdapat lebih baki harga belian setelah ditolak jumlah yang terhutang oleh Defendan di atas gadaian tersebut dan segala perbelanjaan lelongan, Plaintiff hendaklah dalam tempoh empat belas (14) hari dari tarikh penerimaan penuh baki harga belian menyerahkan kepada Defendan lebih baki harga belian tersebut.
23. Hartanah yang berjaya dilelong adalah dipercayai dan akan dianggap sebagai diperihalkan dengan betul dan dijual tertakluk kepada semua ismen (easement), kaveat, tenansi, tanggungan dan hak (jika ada) yang wujud di atas atau terhadapnya yang timbul untuk mentakrif ia masing-masing dan tiada kesilapan kenyataan yang salah atau deskripsi yang salah akan membatalkan penjualan dan tiada bayaran gantirugi yang akan dibuat.
24. Pihak Plaintiff tidak akan bertanggungjawab untuk mengemukakan dan menyerahkan milikan kosong hartanah berkenaan kepada penawar yang berjaya.
25. Bagi tujuan pendaftaran Sijil Jualan dalam Borang 16F Kanun Tanah Negara 1965, sebarang keperluan untuk memperolehi persetujuan Pihak Berkuasa Negeri berkenaan dengan sekatan-sekatan kepentingan hartanah tersebut adalah tidak terpakai.
26. Jika berlaku apa-apa percanggahan, kenyataan salah atau kesilapan yang terdapat di dalam terjemahan butir-butir dan Syarat-Syarat Jualan ke bahasa-bahasa lain, Syarat-Syarat Jualan versi Bahasa Melayu adalah terpakai.